

A Ia ola mo Keriso poo le oti mo Keriso?

❖ Ua viia Keriso e Paulo (Filipi 1:10-20, 25-26)

- Na olioli Paulo i puapuaga na ia onosa'ia, e tele na'ua (Kolose 1:24a; 2Korinito 11:23-27). O le mea moni, e lei olioli o ia i ona lava mafatiaga, ae o le mafuaaga na ia onosa'ia ai ia faigata, ona o se tasi o ia mea, ia maua se faamanuiaga e le ekalesia a Keriso (Kolose 1:24b; 2Korinito 11:28).
- E ala i le faaa'oa'o ia Iesu i Ona puapuaga—ma na oo lava i Lona maliu—na viia lava Keriso e Paulo (Filipi 1:20).
- I lana tusi i Filipi, o loo faamanino ai e Paulo e faapea, mo lena taimi, na te lei mafaufauina e viia Iesu i lona maliu, ae na manatu, e ala i talosaga a le ekalesia ma le galuega a le Agaga Paia, e faasaolotoina ai ma faaaauai ai lana auunaga ia Keriso i lona olaga (Filipi 1:19, 25-26).
- Ona o le leaga o loo i ai pea i lo tatou lalolagi, o lea o le ola ai e pei ona soifua o Keriso e masani ona aofia ai ma mafatiaga e pei ona puapuagatia ai Keriso ma, i nisi tulaga, ia oti faapei ona maliu o Keriso (2Timoteo 3:12).

❖ Ola pe oti mo Keriso (Filipi 1:21-22)

- O le pogai o mafatiaga uma o loo taoto lea i le taua i le vateatea lea o loo tauina i aso nei i le va o le lelei ma le leaga, i le va o Keriso ma Satani
- O le taua faale-agaga lenei, e tataua ona tauina i aupega faale-agaga. E faaaogaina e le ausoo a le fili aupega e le tusa ai ma tulafono a le au Kerisiano o le (pepelo, faitio, faatosinaga a le tupulaga, ma isi).
- Ae tatou te faaaogaina aupega e pei o le upu moni ma le faamasinoga tonu (2Korinito 6:4-7). O aupega malolosi ia e "lepetia ai 'olo" (2Korinito 10:3-5).
- Ae o le a se mea e tupu pe a oo i le taua, ae oo le oti i e amiotonu? E tusa ai ma se faamatalaga a Paulo, o lenei tatou te maua ai le manuia (Filipi 1:21).
- Mo i tatou o e o loo faamaoni ia Keriso, o le oti ua le maua ai i tatou e le fili, ma aveesea i a'i tatou o puapuaga uma lava (Faataoto 14:32; Isaia 57:1).

❖ O manatu e lua o Paulo (Filipi 1:23-24)

- E ui lava sa lei mafai ona ia faia se filifiliga, o Paulo lava sa faaletonu i ni mea se lua (Filipi 1:23-24): E alu ese ma faatasi ma Keriso; pe tumau ma manuia ai le ekalesia
- O le avea o lenei tusitusiga i se tulaga ua tuusaunoaina, ua mafai ai ona tatou faia se faaiuga e faapea o loo a'oa'o mai Paulo o le taimi lava tatou te oti ai, tatou te o a'e ai i le Lagi e faatasi ma Iesu, ua feteenai lea ma isi fuaitau o le Tusi Paia (Failauga 9:5; Salamo 6:5).
- I le tusi lava lea e tasi i Filipi na ia faapea mai ai, ina ia atoatoa ia Keriso, e tataua ona ia faatasi mo le taimi o le toetu (Filipi 3:8-11).
- O le isi taimi, na faatusaina ai e Paulo le tino i se faleie ua faaumatia (oti) ina ia faaofuina i le tino ola pea (2Korinito 5:1-4). Peita'i, na ia faamanino mai e faapea o lenei faaofuina e tupu lea i le Afio Faalua Mai, ae le o le taimi e maliu ai (1Korinito 15:42, 51-54).

B O le a le uiga o le ola mo Keriso?

❖ Amio e tataua mo le talalelei (Filipi 1:27a)

- O le faaupuga lea o "lau amio" o le faamatalaina lea o le upu Eleni o le *politeuomai*, o lona uiga "ia ola o se tagata-nuu." O loo augani Paulo i tagata Filipi faapea i (tatou uma) ina ia amio i tatou lava i se auala talafeagai ai o tagata-nuu o le Lagi (Filipi 3:20).
- I le Lauga i luga o le Mauga, ua a'oa'o mai ai Iesu i tatou i le auala e ao ona ola ai tagata-nuu o le Lagi
- E mafai ona tuufaatasia e faapea: "ia fai le amiotonu, ia naunau i le alofa, ma ia feoai ma lou Atua ma le loto faamaulalo" (Mika 6:8).
- Na faaaogaina e Paulo lenei fautuaga o se folasaga i se autu na atugalu ai o ia: o le lotogatasi lea i totonu o le ekalesia.
- Na ia iloa o le leai o se lotogatasi e masani ona mafua mai le faamaualuga ma amioga le talafeagai o le tasi i le isi. O lea la, na ia augani mai ai i a'i tatou ia amio i tatou lava i ni amioga taualoa

❖ Ia lotogatasi e tau mo le talalelei (Filipi 1:27b-30)

- O le fai o le amiotonu ma le amio-sa'o o le a le asa ai ma ni feteena'iga o le soifuaga (Filipi 1:30). E ese mai ai, lopu lava ia, o le na faailoa mai e le Atua e faapea "o ia ua sao lana amio ma le amiotonu, o le ua mata'u i le Atua, ma 'alo'alo ese i mea leaga" (lopu 1:8), sa mafatia i se feteena'iga mata'utia, o galuega ia a le fili.
- I le taua o loo tatou tau ai, e i ai se sao taua lava a le lotogatasi. O loo augani mai Paulo i a'i tatou ina ia tau ma le lotogatasitasi mo le faatuatua e puipua le talalelei (Filipi 1:27b).
- O lenei faamoemoe i le lotogatasitasi e tataua ona o faatasi ma le tatalo ma le suesueina o le Upu o le ola (Efeso 6:18; Filipi 2:16).
- Pe a maua i tatou i feteenaiga ma le leaga, e le tataua ona tatou fefefe i a'i latou o e tetee mai i a'i tatou (Filipi 1:28). Ia tatou manatua o Satani o se fili ua faatoilaloina, ona ua uma ona manumalo Keriso i le taua i luga o le satauro (Luka 10:18; Kolose 2:15).

